



宋濂論中原檄

古之得天下者得遜征誅勿論已自茲而隆非無手闕宇宙統一函夏之君然皆得之干中國人而我太祖獨得之胡元洗除蒙識而耀于大明自生民以來所未有也富其美鋤海內神武不役為元元請命為百王醜恥天命攸歸斷

自古帝王臨御天下中國居內以制夷狄夷狄治外以奉中國未聞以夷狄治天下也自宋祚傾移元以北狄入主中國四海內外罔不臣服此豈人力實乃天授然達人志士尚有冠履倒置之歎自是以後元之臣子不遵祖訓廢壞綱常有如大德廢長立幼泰定以臣弑君天曆以弟鵠兄至以弟收兄妻子烝父妾上下相習恬不為怪其於父子君臣夫婦長幼之倫瀆亂甚矣夫人君者斯人之宗主朝廷者天下之根本禮義者御世之大防其所為如彼豈可為訓于

可知矣彼草
竊稱亂者余

何尚抗師拒

命哉

言胡元本不

可以主中國

而況綱常紊

亂虐政積流

言群雄本不

足以清禍亂

而況益割區

半戕害生民

天下後世哉及其後嗣沈荒失君臣之道又加以宰
相專權憲臺報怨有司毒虐於是人心離叛天下兵
起使吾中國之民死者肝腦塗地生者骨肉不相保
是雖因人事所致實天厭其德而棄之之時也古云
胡虜無百年之運驗之今日信乎不謬當此之時天
運循環中原氣盛億兆之中當降生聖人驅逐胡虜
恢復中原立綱陳紀救濟斯民今一紀于茲未聞有
治世安民者徒使爾等戰戰兢兢處於朝秦暮楚之
地誠可矜憫方今河洛關陝雖有數雄忘中國祖宗
之性反就胡虜禽獸之名以為美稱假元號以濟私

殊無志得意

滿誇示地大

兵強之意竟

博浩大氣象

見于言外讀

之自應感動

真善士代言

者

恃有衆以要君阻兵據險互相吞噬反爲生民之巨
害皆非華夏之主也予本淮右布衣因天下亂爲衆
所推率師渡江居金陵形勢之地今十有三年西抵
巴蜀連蒼海南控閩越湖湘漢沔兩淮徐邳皆入版
圖奄及南方盡爲我有民稍安食稍足兵稍精控茲
執矢目視我中原之民久無所主深用疚心予恭天
成命罔敢自安方欲遣兵北逐群虜拯生民於塗炭
復漢官之威儀慮民人未知反爲我讐挈家北走陷
溺尤深故先諭告兵至民人勿避予號令嚴明無秋
毫之犯歸我者永安於中國背我者自竄於塞外蓋

正大

橫然示以無

我中國之民天必命中國之人以安之矣夷狄何得而治哉爾民體之如蒙古色目雖非華夏族類然同生天地之間有能知禮義願爲臣民者與中國之人撫養無異

張以忠曰檄文曉諭遐邇體貴條暢故曰檄者皦也辭令皦然明白也多文不可以達衆庶不文又不足以動豪傑景濂此文正大明白事詞曉鬯感激人心陳琳駱賓王二檄所未逮

閱江樓記

始秦時望氣者卽云金陵有天子氣始皇東遊以厭之改其地曰秣陵及孫權稱號自謂王氣適符晉元渡江益謂真人之應宋齊梁陳歷世偏安楊行密李昇爭相竊據自古都金陵者未嘗有一統之君也千餘年王氣至我○皇祖

金陵爲帝王之州自六朝迄于南唐類皆偏據一方無以應山川之王氣逮我皇帝定鼎於茲始足以當之繇是聲教所暨罔間朔南存神穆清與道同體雖一豫一游亦思爲天下後世法京城之西北有獅子山自盧龍蜿蜒而來長江如虹貫蟠繞其下上以其地雄勝詔建樓于巔與民同游觀之樂遂錫嘉名爲閱江云登覽之頃萬象森列千載之秘一旦軒露豈非天造地設以俟大一統之君而開千萬世之偉觀者歟當風日清美法駕幸臨升其崇椒凭

始徵應云

語嚴裡嫌板實

皇祖開創大業經國遠猷
豈其爲游豫而不勤思保
泰計乎

闌遙矚必悠然而動遐思見江漢之朝宗諸侯之述
職城池之高深關阨之嚴固必曰此朕櫛風沐雨戰
勝攻取之所致也中夏之廣益思有以保之見波濤
之浩蕩風帆之下上蕃舶接跡而來庭蠻琛聯肩而
入貢必曰此朕德綏威服覃及外內之所及也四夷
之遠益思所以柔之見兩岸之間四郊之上耕人有
炙膚皸足之煩農女有捋桑行饁之勤必曰此朕拯
諸水火而登于衽席者也萬方之民益思有以安之
觸類而推不一而足臣知斯樓之建皇上所以發
舒精神因物興感無不寓其致治之思豈其止閱夫

借亡王之敗
軌形聖之雄

圖

從感慨寫帝
力

千頃汪洋至
此洪濤忽湧

冠冕周密

長江而已哉。彼臨春結綺。非弗華矣。齊雲落星。非不高矣。不過樂管絃之淫響。藏燕趙之艷姬。一旋踵間。而感慨係之。臣不知其爲何說也。雖然。長江發源岷山。委蛇七千餘里。而始入海。白湧碧翻。六朝之時。往往倚之爲天塹。今則南北一家。視爲安流。無所事乎戰爭矣。然則果誰之力歟。逢掖之士。有登斯樓而閱斯江者。宜念帝德如天。蕩蕩難名。與神禹疏鑿之功。同一罔極。忠君報上之心。其有不油然而興者耶。臣不敏。奉旨撰記。故上推宵旰圖治之切者。勒諸貞岷。它若流連光景之辭。皆略而不陳。懼褻也。

張以忠曰莊嚴雍雅宏遠濶大宛然主聖時平景象
最得臣子紀述之體

隋室興亡論

隋文之下字
文氏外戚也
非有豐功碩
德素播人耳
目特因天元
元暴卒嗣君
幼弱一旦欺
孤奪寡逼禪
據尊銳意伐
陳蕩平汪左
天下一統遠
夷臣附雖兩
漢全盛未或
過之向使後
嗣僅得中材
亦未遽亡夫
何煬帝以醜
廷荒淫繼之

昔周室闡弱。靜帝幼冲。高祖以外戚之尊。入握朝權。都督諸軍。遂假黃鉞。開丞相府。當是時。宗藩大臣。心志弗平。五王連謀。三方稱亂。高祖咸得剪夷之。始有輕睨周鼎之心。自進爵隋王。加九錫。尋受周禪。而卽皇帝位。于是修明庶政。綏撫遠夷。經營四海。至日昃不遑暇食。高頻。蘇威。李德林之屬。調馭于內。楊素。韓禽。虎。賀若弼之徒。折衝于外。規模日盛。遂萌平陳之謀。張皇六師。直擣金陵。陳人膽破。叔寶歛手就擒。天下自是歸然一統。東底大海。南撫交趾。西連且末。北

窮極奢侈肆
行雪燭紅蓮
禍結群盜並
起身頌國亡
如同振落是
何得之易失
之易乎君子
觀子叔垂之
如彼守業之
如此後之有
天者可以鑒
已

極五原莫不稟受正朔願爲臣妾開皇仁壽之間人
物阜繁號爲極治及煬帝嗣位藉承平之休運慕秦
皇漢武之爲人治宮室而務侈靡使絕域而勤遠畧
市武馬而困烝庶御龍舟而般遊亡度自以爲日月
所照霜露所及孰敢不臣高句驪一島夷怒其不恭
親總大兵一百十三萬分十二軍並發旌旗彌亘千
里近古出師之盛未有之也意謂狼噬玄菟之埜鴟
張扶餘之境電掃襄平之墟未幾麥鐵杖歿遼東宇
文述敗蔭水而九軍先後陷焉曾不悔禍益務興戎
府庫空竭頭會箕歛而民益不堪命由是盜賊蠭起

悠悠六合棋
千授人雄圖
又安在哉

荷如煬帝雖
爲禹湯文武

王簿發長白。張金稱聚河曲。林士弘據九江。杜伏威
掠江淮。翟讓出陽城。似此之類。不可勝計。而海內四
分五裂矣。江都之幸。猶日沉酒聲色。惟日不足。度其
不免。乃欲摩頸自斫。卒致血濺御衣。而身亦隨殞。非
天下之至愚。孰能與於此哉。當其指麾羣雄。叱咤之
間。風駭雲流。而混六合於一家。何其雄也。身歿肉未
及寒。而邦國蕩覆。子孫誅戮。殆盡反。不如弘農一布
衣。時又何其削也。君子論禍敗之幾。不起於煬帝之
日。而基於高祖之時。何也。蓋天下大物。也可以惠。持
不可以力。競使高祖以惠結人心。雖煬帝昏荒之甚。

其○敗○亡○未○必○若○斯○之○速○也○夏○有○太○康○殷○有○雍○已○河○亶○
甲○周○有○幽○厲○而○宗○祀○不○絕○者○以○禹○湯○文○武○之○惠○未○斬○
也○是○故○采○章○文○物○不○足○爲○之○盛○金○城○湯○池○不○足○爲○之○
固○長○鎡○大○劍○不○足○爲○之○利○士○馬○精○強○不○足○爲○之○勇○玉○
帛○克○物○不○足○爲○之○富○其○足○以○賴○而○長○存○永○治○者○非○惠○
何○以○哉○惜○高○祖○不○可○語○此○徒○以○力○競○也○悲○夫○

張以忠曰叙次條理雍雍秩秩至後段名論震發卓
然不可朽

六經論

聖人作經啓
暗萬世不遏
因心爲牖使
各還其性命
無失吾心之
正而已世儒
惟不從六經
參透原本故
無盡心是學
非心與經有
二也

餘切

六經皆心學也。心中之理無不具。故六經之言無不該。六經所以筆吾心之理者也。是故說天莫辨乎易。繇吾心卽太極也。說事莫辨乎書。繇吾心政之府也。說志莫辨乎詩。繇吾心統性情也。說理莫辨乎春秋。繇吾心分善惡也。說體莫辨乎禮。繇吾心有天叙也。導民莫過乎樂。繇吾心脩太和也。人無二心。六經無二理。因心有是理。故經有是言。心譬則形。而經譬則影也。無是形則無是影。無是心則無是經。其道不亦較然矣乎。然而聖人一心皆理也。衆人理雖本具而

此皆人心之
所有故聖人
修道立教疏
競以六經爲
本

再喻

欲則害之蓋有不得全其正者故聖人復因其心之
所有而以六經教之其人之不柔敦厚則有得於詩
之教焉疏通知遠則有得於書之教焉廣博易良則
有得於樂之教焉潔靜精微則有得於易之教焉恭
儉莊敬則有得於禮之教焉屬辭比事則有得於春
秋之教焉然雖有是六者之不同無非教之以復其
本心之正也嗚呼聖人之道唯在乎治心心一正則
衆事無不正猶將百萬之卒在於一帥帥正則靡不
從令不正則奔潰角逐無所不至矣尚何望其能却
敵哉大哉心乎正則治邪則亂不可不慎也秦漢以

言心之邪正
關係治亂
大議論

漢儒闡釋聖
經厥功不細
大醇小疵未
未易輕言也

大有閑涉

如此方是體
驗遺經

來心學不傳。往往馳騫於外。不知六經實本於吾之
一心。所以高者涉於虛遠而不返。卑者安於淺陋而
不辭。上下相習。如出一轍。可勝嘆哉。然此一皆吾儒
之過也。京房溺於名數。世豈復有易。孔鄭專於訓詁。
世豈復有書。詩。董仲舒流於災異。世豈復有春秋。樂
固亡矣。至於大小戴氏之所記。亦多未醇。世又豈復
有全禮哉。經既不明。心則不正。心既不正。則鄉閭安
復有善俗。國家安得有善治乎。惟善學者。脫畧傳註。
獨抱遺經而體驗之一言一辭。皆使與心相涵。始焉
則憂乎其難入。中焉則浸漬而漸有所得。終焉則經

世儒惟知富貴利達患得患失至如六經乃進身借筏耳遑顧問哉

與心一不知心之爲經經之爲心也何也六經者所以筆吾心中所具之理故也周孔之所以聖顏魯之所以賢初豈能加毫末於心哉不過能盡之而已今之人不可謂不學經也而卒不及古人者無他以心與經如水炭之不相入也察其所圖不過割裂文義以資進取之計然固不知經之爲何物也經而至此可不謂之一厄矣乎雖然經有顯晦心無古今今天下豈無豪傑之士以心感心於千載之上者哉張以忠曰精渺宏濶徹原本可謂言言名破非粹于

理者必不能辦

卓絕萬古在
此一詔

岳瀆封號漢

世未聞自唐

以降歷代相

沿至我聖

祖悉革除之

極其正大而

隆崇愈至非

聖明安得此

曠代軼舉

當時亦有未
經褒封者

王禕定嶽鎮海瀆名號詔

詔曰自有元失馭羣雄鼎沸土宇分裂聲教不同朕
奮起布衣以安民爲念訓將練兵平定華夷大統以
正永惟爲治之道必本于禮考諸祀典如五嶽五鎮
四海四瀆之封起自唐世崇名美號歷代有加在朕
思之則有不然夫嶽鎮海瀆皆高山廣水自天地開
闢以至於今英靈之氣萃而爲神必皆受命于上帝
幽微莫測豈國家封號之所可加瀆禮不經莫此爲
甚甚至如忠臣烈士雖可加以封號亦惟當時爲宜夫
禮所以明神人正名分不可以僭差今命依古定制

嘉靖間議去
封爵止稱至
聖先師其尊
崇始無耦不

凡嶽鎮海瀆竝去其前代所封名號止以山水本名
稱其神郡縣城隍神號一體改正歷代忠臣烈士亦
依當時初封以爲實號後世溢美之稱皆與革去其
孔子明先王之要道爲天下師以濟後世非有功于
一方一時者可比所有封爵宜仍其舊庶幾神人之
際名正言順于理爲當用稱朕以禮祀神之意故茲
詔示咸使聞知

馬文昇曰我朝削去嶽鎮海瀆褒加帝號眞萬世法
張以忠曰高鍊名確莊雅嚴重極典質中不乏蒼淵
之色決非後來代○天言者可及

續志林二

國家以名節
砥礪天下未
有不本于經
術者經術既
明漸厚既久
則化行俗美
自不期然而
然矣東漢之
世士競以名
節表見爭相
濯磨以扶漢
鼎此豈徒一
時激奮哉誠
積于中而義
形于色平日
所涵濡于經
術者固深也
故當喪亂之

光武遭漢中衰紹恢前緒征伐四方日不暇給而乃
敦尚經術賓延儒雅開廣學校修明禮樂繼以明章
臨雍拜老橫經問道自公卿大夫至于郡縣之吏咸
選用明經行修之人是以教立于上俗成于下自三
代既已風俗之美未有若東漢之盛者也君子曰國
家風化之成非一人之爲一日之積也爲之非一人
故行之也無弊積之非一日故守之也有素此所以
既成而益隆愈久而不替者也周之有天下也始于
文武崇道德隆禮義設辟雍泮宮庠序之教陳禮樂

後猶能孤特
一總雖係人
心此非教化
之隆而能致
然乎有天下
者亟思風化
之成蓋亦反
其本矣
即周家風化
之厚以見東
漢之盛可與
比隆

治隆俗美至
此令人神游

絃歌移風之化叙人倫正夫婦天下莫不曉然論孝
悌之義惇篤之行故仁義之道滿天下繼以成康持
盈守成世篤忠厚當其時風俗之隆比屋可封蓋垂
裕乎八百年之久此豈一人之爲一日之積哉成周
之後言風化之美者無如東漢矣然非光武躬行于
其先明章繼志于其後皆敦尚經術修明儒學以爲
務則其效之所至亦豈能底于盛極乎是故自建武
永平以至于建初永元上而朝廷下而鄉閭莫不以
名節相砥礪而不肯一毫苟且以自詭相帥成風翕
然無間此其俗習之美雖其比隆于成周可也及平

其降也則相
與襄盛治其
衰也則相與
砥頽風其在
位也則以直
道撐持廟社
其在下也又
能以清議共
杼忠憤自非
曷華重熙奚
以致此

元興以後閹豎擅政小人挾其威福相煽爲惡中材
顧望不知所爲而漢已失其操柄綱紀大壞矣然在
位公卿大夫有若袁安楊震李固杜喬陳蕃李膺之
徒皆豪傑特起之士相與發憤同心戮力用公議以
扶其危直道正言分別其是非白黑不少回撓至于
勢有不容而織羅鉤黨之獄成而其執彌堅其行彌
厲志雖不就而其忠則有餘天下之士聞其風慕其
義者人之感慨奮激如苻融郭太范滂許劭之流咸
立私黨以救其敗闕而其甚者至于解印綬弃家族
骨肉相勉趨死而不避或且以不得與其死爲恥以

大議議大文章

一篇文字只此數語闡發出來

故百餘年間，擁兵專地者，雖互相吞噬，而猶莫不以尊漢爲辭。雖以曹操之奸雄，擅強大，覬非望，乃至殺身不敢背漢，以自立，豈不以名義有在，知所畏避，而自抑乎？嗚呼！尚論兩漢之習者，西漢必曰經術，東漢必曰名節。抑豈知經術者，固名節之本，而名節之爲效，其有係于國家天下爲尤重如是夫！程子之言曰：後漢名節成于風俗，非自得也。然一變之則可以至道矣。司馬之言曰：教化國家之急務，風俗天下之大事。惟明智之君子，深識長慮，然後知其爲益之大而收效之遠也。至哉言乎其政治之龜鑑乎！

方孝孺送李生序

士不患無軼
才而患無純
養發到則其
才百試而不
匱故君子貴
乎有養

氣不豫養則
雖有奇才不
能集一事故
以古人育才
之寡告之

方先生之節
偉矣生死利

善觀璞者不觀其形而觀其色。善觀人者不以其材而於其氣。形可僞也。色不可僞也。材可強也。氣不可強也。摩其外。輝然而溫。栗然而潤。人雖賤之。吾必以爲良玉矣。叩其氣。肆然而直。浩然而正。雖未措於用。吾必以爲美才矣。古之育才者。不求其多才。而惟養其氣。培之以道德。而使之純。厲之以行義。而使之高。節之以禮。而使之不亂。薰之以樂。而使之成化。及其氣充。而才達。惟其所用。而無不能加之以天下之太事。而不勞。優之於廟堂之上。而不變。窮之於荒陬陋。

害之際其處
之怡然如此
非有完養而
能然耶
確喻

士之不能安
貧賤而輕富
貴者氣不充
也故復進之
以道

巷而不憂其中有所受而然也故惟有所受者然後
能有所爲辟之大海然百川之灌千載之積受之而
不辭然後能涵萬彙載舟楫而不難汙潢之水一葉
加之則勝浮之以杯則沉矣故君子貴乎有養也臨
海李生宗魯在太學侃侃自許不逐時輩俯仰囊無
一金之資處之恒無憂色是非其氣之足恃能然耶
彼見寶貨而喜者死於寶貨者也以困貧爲憂者終
於困貧者也故惟安貧賤而後輕富貴非善養氣者
烏能爾耶生之氣美矣能養之以道吾未見其終貧
賤也今年生歸拜其親其友某爲之請且言生以布

衣歸未有以慰其親。請以言榮之。余言不足以榮生。或者因余之言以求生。則知生之所得者過於八遠矣。

張以忠曰言才必本之氣言氣必根之養言養氣又終歸之道論莊識老規誨諄至

古今文苑

卷十五

古

武王伐紂論

聖如武王暴
如紂不得已
而行放伐然
伐紂之事尚
未可信況無
吊伐之心而
敢於忍其君
者可藉口于
武乎故先生
嚴辨之

渺論深言確
不可易

余讀春秋見其紀時書事少者止一二言多者不過
十言斷斷然傳其所信而不敢肆竊嘗疑之以爲當
時史官所載必詳矣孔子曷不盡舉而書之奚爲簡
略若是哉及觀左氏穀梁公羊三子之傳各述其所
聞甚詳或曲說以傳經或因經而構事肆情極論無
復顧忌初若可喜徐而推之率多虛詞而鮮事實往
往不足以得其要領而愈致人之惑然後知孔子謹
嚴其詞若不敢盡者憂天下後世之至也孔子嘗繫
易以辭矣反覆詰難至於理彰意竭而後止何獨於

史遷採拾舊聞往往有不可據者

此先生善讀書處

春秋而不盡其辭蓋道可以智窮而事必以實著與其徇疑而失實以爲後世害不若著其可信者之爲也故曰多聞闕疑又曰吾猶及史之闕文也此孔之意也司馬遷之爲史記其志以作春秋自擬亦非不知春秋者矣至於紀載往昔之事奇聞怪說無所不錄而於三代之本紀多背經而信傳好立異而誣聖人其他微者未足論若武王與紂之事見於書最詳而遷乖亂之尤甚牧野之兵非武王之志也聖人之不幸也武王載其時事但曰一戎衣天下大定不書紂之死者爲武王諱且不忍書也他書謂紂自

此段議純
正自是至論
非儒者迂腐
之談也

焚死意爲近之。武王之於紂，非有深讎宿怨，特爲民
去亂耳。當斯時，使紂悔過遷善，武王必不興師而踰
孟津，及紂兵已北，使紂不死而降，武王必將封之以
百里之邑，俾奉其宗廟，必不忍加兵於其身也。况紂
已死乎？吾意武王見紂之死，也不踊而哭之，則命商
之羣臣以禮葬之矣。豈復有餘怒及其旣死之身乎？
遷乃謂武王至紂死所，三射之，躬斬其首，懸於太白
之旗，又斬其一嬖妾，懸於小白之旗。此皆戰國薄夫
之妄言。齊東野人之語，非武王之事。遷信而取之，謬
也。漢高祖、魏文帝皆中才之主，非有聖智之度。高祖

憂天下後世
之至

猶能不殺子嬰。文帝猶能奉山陽公終其身。曾謂武
王聖人而忍其君至此乎。吾決知其不然矣。苟信遷
之言。是使後世強臣凌上者。菹醢其君。而援武王以
藉口。實其禍君臣之大義。不亦甚哉。

張以忠曰。嚴爲武辯。崇論深言。關涉名教。決不可朽。

晉史論

晉史成于唐
文皇及房喬
諸臣之手其
褒譏美刺大
抵亦不假借
然亦就晉臣
所撰者爲草
藁故獎借處
往往有溢詞
蓋不獨司馬
師二事也
作史者大都
蹈此數病安
得有信史哉

書不盡信也而紀載之詞爲尤甚。同時而仕同堂而語十人書之則其事各異。蓋聞有詳略辭有工拙而意之所向好惡不同。以好惡之私持不審之論而其詞又不足以發之能不失其真者鮮矣。况於世之相遠或數百年耳不聞其言目不覩其事身不預當時之得失意揣心構以補其所不足而增其所未備或有所畏而不敢直書或有舊恩故怨而過爲毀譽或務奇眩博而信傳聞之辭或欲駭人之視聽而駕爲浮辯。自左氏司馬遷班固不能免乎此弊况世之庸

此讀史之法

殺王儀則見
罪有所歸而
已不任喪師
之咎不貶諸
將則又見過
則歸已而更
有引躬自責
之美此二事
者不可謂無
也英雄心事
自是叵測奈
何據以爲疑
案耶

史其能傳信而不誣哉。苟不因人君之賢否以考其政之治亂。因行事之忠詐以定其人之功罪。而欲盡信史之言。則奸邪或幸免而無所懲。豪傑之士咸有遺恨矣。司馬師之於魏。莽操之流亞也。東關之敗。以司馬王儀引罪于已而殺之。其暴虐不仁。狼虎而冠者耳。史氏又謂朝廷欲貶諸將。師不許曰。此我不聽傳公休之過也。諸將何罪。悉宥不問。而削其弟昭之爵。師一人也。兵敗一事也。錄前之言。則爲小人。錄後之言。則雖君子無以加之。將孰據而信哉。使二者俱得其實。何暴於王儀而仁於諸將乎。其必不然矣。蓋

奸雄縱有後
易世而後其
惡未有不著
者即當時或
史官不敢直
書天下人心
亦未有可欺
者

史惟可信而
後可傳今史
之傳者多矣
而不必皆可
信

盛德無繼者。善多悶而不彰。奸雄有後者。惡多隱而
不著。師兄弟連執魏政。弟之子遂奪魏而有天下。子
孫諱其先祖之惡。而史氏亦畏而不敢直言。故於師
之紀傳。則過稱其美。於儀之事。則謹志之以微見頌
師之美。不亦輕於信乎。孟子於武成。取二三冊。武成
以聖人之事。孟子猶不信而非之。庸史之所述。奸雄
之事。爲奈何盡信之乎。信其所宜信。而斥其不可信
者。此篤於信者也。徒信而不知其能信乎。孟子非不
信書也。不爲苟信。乃所以善也。余非不信史也。蓋學
孟子而未能也。

張以忠曰甚哉史之難也史才已極不易得然或才
具矣而法不工法工矣而識不精識精矣
而見聞不詳見聞詳矣而心術不正卽心
術正矣而時事又不能無回互如此而求
其可信可傳者蓋寡矣後之人不論其世
而槩信其事辭則奸邪每蒙無情之譽而
豪傑恒含未洗之冤千載而後曷繇辯折
故曰作史難而閱史尤難

蕭懿論

東昏之惡未
有不至于亡
國者也如蕭
懿者上可以
禁君不敢為
非下可以制
弟不敢稱亂
庶有濟乎而
駢首就死于
國家洵何益
也

大○臣○之○義○守○死○非○難○也○死○而○利○國○家○安○社○稷○為○難○使○
惟○知○守○死○之○為○得○而○不○顧○社○稷○國○家○之○存○亡○烏○在○其○
為○大○臣○也○哉○齊○東○昏○之○惡○浮○於○昌○邑○王○遠○甚○率○其○所○
為○亡○齊○決○矣○蕭○懿○之○入○為○尚○書○令○也○誠○有○忠○盡○之○心○
告○于○宗○廟○擇○其○昆○弟○之○賢○者○如○寶○寅○輩○而○立○之○而○廢○
東○昏○以○侯○還○第○則○齊○祀○可○延○姦○雄○執○兵○柄○者○雖○有○跋○
扈○不○臣○之○心○亦○無○自○而○作○矣○懿○則○不○然○知○其○主○之○昏○
狂○而○不○能○為○之○計○斂○手○就○戮○而○卒○無○益○於○天○下○惟○憂○
弟○之○為○國○忠○而○竟○亦○莫○之○能○禦○也○雖○曰○守○死○不○二○而○

雖先抑後揚
是作論法然
蕭懿之純節
必不可泯自
是公論

豈足爲忠乎。雖然。晉宋齊梁之間。強臣陵上。不少顧忌。視廢辱其君。如易奴隸。勢可以爲亂。而不忍爲也。其才固短於應變。而其執志不回。豈非亦可尚哉。

張以忠曰。蕭懿弟衍在雍。而身爲尚書令。以重臣而值昏主。當時伊霍之舉。事實可爲。而必甘心就戮。可謂不知權矣。然迫其臨死。而尚慮及其弟。憂及朝廷。與晉申生子少國家多難之語。蓋有同出一揆者。故申生爲恭世子。而不許爲孝子。蕭懿可謂純臣。而不得命曰忠臣。

深慮論

先正言方先生文章大類
蘇氏而正論過之
此文言人主欲永保大業子孫乞千萬年而不替者非徒恃計慮之周法制之詳也必積德累仁以固結天心而後靡常之命始永眷而不移常享而無數三代有道之長可繼武焉不

慮天下者常圖其所難而忽其所易備其所可畏而遺其所不疑然而禍常發於所忽之中而亂常起於不足疑之事豈其慮之未周與蓋慮之所能及者人事之宜然而出於智力之所不及者天道也當秦之世而滅六諸侯一天下而其心以為周之亡在乎諸侯之彊耳變封建而為郡縣方以為兵革可不復用天子之位可以世守而不知漢帝起隴畝之匹夫而卒亡秦之社稷漢懲秦之孤立於是大封庶孽而為諸侯以為同姓之親可以相繼而無變而七國萌篡

然而私心圖
度此必不得
之數也

歷觀前代慮
後之事正見
治亂存亡之
机往往出于
慮所不及則
曆數修短洵
非智術所能
探矣

精彩陡發而
筆力更高

弑之謀武宣以後稍剖析之而分其勢以爲無事矣
而王莽卒移漢祚光武之懲哀平魏之懲漢晉之懲
魏各懲其所由亡而爲之備而其亡也皆出其所備
之外唐太宗聞武氏之殺其子孫求人於疑似之際
而除之而武氏日侍其左右而不悟宋太祖見五代
方鎮之足以制其君盡釋其兵權使力弱而易制而
不知子孫卒困於亂狄此其人皆有出人之智負蓋
世之才其於治亂存亡之機思之詳而備之審矣慮
切於此而禍興於彼終至於亂亡者何哉蓋智可以
謀人而不可以謀天良醫之子多死於病良巫之子

多死於鬼。彼豈工於活人。而拙於活已之子哉。乃工於謀人。而拙於謀天也。古之聖人。知天下後世之變。非智慮之所能周。非法術之所能制。不敢肆其私謀。詭計。而惟積至誠。用大德。以結乎天心。使天眷其德。若慈母之保赤子。而不忍釋。故其子孫雖有至愚不肖者。足以亡國。而天亦不忍遽亡之。此慮之遠者也。夫苟不能自結於天。而欲以區區之智。籠絡當世之務。而必後世之無危亡。此理之所必無者。而豈天道哉。

張以忠曰。考前代亂亡。往轍則祈天永命。不在任智。

而在修德斷斷不可誣矣故曰居今之世
志古之道所以自鏡也後之有天下者可
徒恃智慮之遠而不思務德以爲永世計
哉此文持論旣確而淵蒼之色渾深之氣
尤不可及

薛瑄題緝熙聖學疏

本聖理學名臣以河東薛文清公瑄爲首公沉潛聖學深探密玩正學貴踐履下務論說辭愛取與必揆諸義出處大節光明峻潔于富貴利達泊如一也接人無大小衆衆寡待之以誠其言平易簡切不爲穿鑿奇僻之說晚年造詣高

切見近日有臣下進言欲開經筵以緝熙聖學者雖蒙聖德允納未見施行蓋欲俟軍旅事平之日以開講也臣愚以爲當聖主中興之時天步艱難之日正講論爲學爲治之道不可一日而緩焉者也昔漢光武躬擐甲胄討除群兇猶且投戈講藝息馬論道軍旅之間未嘗一日廢學故能舉群盜如鴻毛復大業如反掌唐太宗興義兵掃除寇亂一時潛邸從龍之人皆文學智謀之士日夕相與論爲學致治之道乙夜之覽身忘其倦故能剗削僭僞拯濟生民此講

明賤履篤寔
益至純熟著

讀書錄二十
卷皆名言

此等人必不
易得卽有之
亦將群擠之
矣安得使之
啟沃左右哉

學所以有資於戡大難也。近者漠北醜虜雖陸梁爲
寇而內外禦侮各有其人。堂堂天下號令一施風行
草偃。非至如漢唐草昧之秋也。顧可以斯時而少緩
講學之事乎。伏望皇上命廷臣集議經筵儀式務
從簡約。不尚奢華。仍博選公卿侍從文學之臣有學
術純正。持已端方。謀深慮遠。才識超卓。通達古今。明
練治體者。一二十人。使之更代入直。恭遇皇上視
朝之暇。日御便殿。卽召各臣進講。其所講之書。先大
學論語中庸孟子。兼講尚書春秋諸史。則資治通鑑
綱目。務要詳細陳說。聖賢修己治人之要。懇切開告。

講究大端不出此議甚鑒
鑒根據

內順治外威
嚴竟無他術

帝王端心出治之方。以至唐虞三代。漢唐宋以來。人
君行何道。而天下治安。爲何事。而天下喪亂。與夫賞
善罰惡之典。任賢去邪之道。莫不畢陳於前。如此。則
勸講之官。庶可日修其職。講讀官之職。旣修。雖皇
上聰明之資。實由於天錫。而朝夕緝熙啓沃之力。亦
有資於聖心。聖德日明。于以修治道。則正心以正朝
廷。正朝廷以正百官。正百官以正萬民。而治道有修
明之效。于以攘夷虜。則修軍政。以簡將帥。簡將帥以
練士卒。練士卒以討夷虜。而夷虜有殄滅之期。此講
學有資於成大功。戡大難。宜急行之。而不宜緩焉者。

也

張以忠曰聖學爲聖治之本勸講乃定亂之資深至
諄切真陳善閉邪首務可與程叔子經筵
兩疏竝垂

章懋觀亭記

雅醇整飭而
筆法亦老

文氣不疾不
徐雅雅俊雅

頓宕妙

聖天子臨御以來。厲精求治。監觀四方。深燭民隱。慮
岳牧諸臣。弗克宣昭聖化。海隅蒼生。容有不被堯舜
之澤者。於是分命臺憲重臣。撫治方岳。亦古者分陝
之意。時則江浦張公。以右副都御史實來于閩。公之
始至。剗政之疵。削民之蠹。癉惡彰善。敷和于下。既道
大行。民用康止。爰命作亭于公署之後。圃名之曰觀
亭。以待蒞事之暇。而晏休焉。蓋取柳子所謂必有游
息之物。高明之具。而爲之者歟。然是亭也。非有花竹
泉石之勝。山川林麓之適。而奚以爲觀耶。在易有之。

發觀字意正
大高濂而語
仍典切故妙

今之莅官者
即簿書期會
甲兵錢穀亦
視爲瘼外事
至于割民自
潤賂上求權
則晨宵汲汲
不遑矣一知
所謂觀民設
教耶愈趨愈
下能無增慨

風行地上觀先王以省方觀民設教蓋古者天子親
行巡狩以察四方則命陳詩以觀民風是之謂觀自
王迹熄符禮廢後世始命大臣巡省以代親行若漢
之直指唐宋之安撫今之巡撫是已是其職固亦宜
以觀民設教爲事者也或者知不出此徃徃急於簿
書期會甲兵錢穀之務而已於乎是可謂一道德同
風俗者耶然則亭以觀名公之志可知矣閩之人其
有瘳乎夫以燕居閒適之地而不亡是心則其來旬
來宣咨諏咨詢所以爲下爲民者宜何如哉雖然觀
未易言也有所觀必有所以爲觀所觀者民風所以

特發觀字意
論尤高理尤
遂

餘瀾

爲觀者我生也。彼生民之休戚風俗之媿惡吏治之
得失皆生于我之所行何如耳。故曰觀吾生觀民也。
而可以易言哉。觀公旦者以周南觀公奭者以召南
觀畢公者以東郊寧知異日之觀公者不在閩南也。
耶明聖當天邁迹三五將隆二南之化以風四方而
公以耳目之臣當分陝之任其可使周召諸臣專美
於前耶蔽芾甘棠勿翦勿伐必有賦是亭爲公之所
爰者庸記此以俟風化之成。

張以忠曰楓山先生理學大儒故其爲文俱從大處
立論此記格法嚴正詞理典醇蒼練之中

古今文系

卷一

三

仍復莊雅老筆高文

羅倫扶植綱常疏

賢所願言人亦能之。疏然自負天何不竟其用。我朝丁憂奪情者永樂以來自輔臣以至藩臬不下二百餘人。羅疏以前廷臣視爲故常。恬不知耻。羅疏以後此風稍息。然戀權固寵者亦不能禁革云。

臣聞朝廷援楊溥故事起復李賢者。臣竊謂李賢大臣起復大事。綱常風化之所繫。天下後世之所監。伏讀聖諭曰。朕夙夜惓惓。欲正大綱。舉萬目。使人倫明於上。風俗厚於下。陛下是言。真可爲國家扶綱常。爲天地立民極。爲萬世開太平者也。然欲正大綱。莫先於明人倫。厚風俗。欲明人倫。厚風俗。莫先於孝。孝者。天之經也。地之義也。國而非此。不可以爲國。家而非此。不可以爲家。人而非此。則禽獸矣。中華而非此。則夷狄矣。故先王制禮。子有父母之喪。君命三

引據經義持
論確然不可
移易

此處辨折李
賢之起復無
名

年不過其門。所以教人孝也。古者求忠臣于孝子之
門。誠以居家孝。故忠可移於君。爲人臣者。未有不孝
於親。而能忠於君者也。爲人君者。未有不教其臣以
孝。而能得其臣之忠者也。昔子夏問三年之喪。金革
之事。無避禮與。孔子曰。魯公伯禽有爲而爲之也。今
以三年之喪。從其例者。吾弗知也。陛下於李賢。以
金革之事。起復之歟。則賢所未聞也。以國家大臣。起
復之歟。則禮未之見也。以故事大臣。當起復歟。則爲
君者。當以先王之禮。教其臣。爲臣者。當據先王之禮。
事其君。臣不暇遠舉。請以宋事言之。仁宗嘗以故事

引富弼劉珙
見得前代大
臣無故必不
起復奈之何
當聖世而有
此蔑倫之舉
哉意甚愷至

引宋李諸臣
李賢不無愧
色矣

起復富弼矣。弼之辭曰：何必遵故事以遂前代之非。但當據禮經以行今日之是。仁宗卒從其請。孝宗嘗以故事起復劉珙。珙之辭曰：身在草土之中，國無門庭之寇，難冒金革之名，以私利祿之實。孝宗允其請。此二君者，未嘗拘當代之故事，以強起其臣。此二臣者，亦未嘗循當代之故事，以苟從其君。故功澤加於當時，名聲垂於後世。史筆書之以爲盛事，士夫誦之以爲美談。此無他，君能教其臣以孝，臣有孝可移，以忠於君也。自是而後，無復禮義史嵩之欲援例起復爲丞相，王黼起復爲執政，陳宜中起復爲宰相，賈

文情恍蕤

深切

又如此折証
波浪層折文
濤風湧

似道起復爲平章此數君者未嘗不以當代之故事起其臣此數臣者未嘗不以當代之故事從其君然生靈以之而困天下以之而亂社稷以之而傾貽禍於當時遺臭於後世此無他君不教其臣以孝臣無孝可移以忠其君也詩曰殷監不遠在夏后之世臣願陛下以宋爲鑑使賢盡孝於君親爲萬世之大臣陛下以禮處賢爲萬世之大君此臣之願也亦賢之分也若以賢身任天下四方多虞而起復之與則仁宗之時契丹桀驁未爲無虞也孝宗之時金虜盛強未爲無事也陛下必欲賢任天下之事不專

即欲奪情何
所藉口

氣甚汪洋而
文甚詳婉故
有侃然之色
無矜厲之容

門內之私則賢身不可起口則可言宜降溫詔俾
如劉琨不以一身之戚而忘天下之憂使賢於天下
之事知之則必言言之則必盡陛下於賢之言聞
之則必行行之則必力則賢雖不起復猶起復也使
賢於天下之事知之而不言言之而有隱陛下於
賢之言聞之而不行行之而不力則賢雖起復猶不
起復也陛下無謂廟堂無賢臣衆庶無賢士君孟
也臣水也孟圓則水圓孟方則水方君好諫則臣直
好諛則臣佞陛下誠能于退朝之暇清閑之燕略
崇高貴重之勢親直諒博洽之士開懷延納降禮尊

天下未嘗無
賢材也何必
李賢

侃侃陳詞令
讀者聳然

賢講聖學之大要明君道之急務詢政事之得失察
生民之利病訪人才之賢否考古今之治亂諏風俗
之盛衰咨邊防之緩急舍一己之見而以衆人之見
爲見舍一己之知而以衆人之知爲知順旨之言則
察而逐之使貢諛保寵者無以自容忤旨之言則容
而受之使輸忠爲國者得以自盡羣策畢陳衆賢並
用則賢所欲言者人亦能言之又何必違先王之禮
經拘先朝之故事損大臣之名節虧聖明之清
化而後天下可治哉朝廷舉措大臣出處天下觀
之史筆書之清議雖不行于朝廷天下以爲何如公

按景泰四年

林聰等言

高帝創制立

法父母之喪

皆斬衰三年

冒喪有禁匿

喪有罰所以

扶植綱常維

持世教至矣

近年房事寧

謚在外方面

等官已有定

例不許奪情

而在京官員

或有奪情者

恐遂成故事

其流之弊將

必至貪戀名

爵不顧廉耻

以奪情爲吉

論雖不行于今日後世以爲何如誠不可不懼也夫

賢之起復猶解之曰負天下之重任應先朝之故

事比年以來朝廷以奪情爲常典縉紳以起復爲

美名不知先朝自楊溥之外未聞起復某人爲某

官也今起復之官何如此之多耶以其高謀遠慮足

以決天下之大議耶何未見其發也以其折衝禦侮

足以定天下之大難耶何未見其能也以其直節勁

氣足以勵天下之士習耶何未見其有也以其深仁

厚澤足以浹天下之民心耶何未見其行也以其忠

言讜論足以裨朝政之闕失耶何未見其疏也枉已

直事視父母如路人子道既虧臣節安在
又天順元年喬毅尹旻言重忠孝以正綱常謂比來臣下多奔競無廉耻日奪情起復者爲能官笑終制者爲不戢子道既虧臣節安保綱常所關非細宜查景泰時奪情起復者俱勤歸終制仍著爲令典

者○未○能○直○人○忘○親○者○豈○能○忠○君○望○其○直○人○而○先○枉○已○
望○其○忠○君○而○先○忘○親○
陛○下○何○取○于○斯○人○而○起○復○之○
哉○今○大○臣○起○復○羣○臣○不○以○爲○議○且○從○而○爲○之○辭○所○以○
豫○爲○已○地○也○羣○臣○起○復○大○臣○不○以○爲○非○且○從○而○成○其○
事○亦○所○以○豫○爲○已○地○也○大○臣○既○無○忌○羣○臣○復○何○慙○羣○
臣○既○有○例○大○臣○復○何○辭○上○下○成○風○混○然○同○流○致○有○公○
無○起○復○之○例○私○爲○匿○服○之○計○例○在○博○恩○則○匿○服○以○受○
封○例○在○得○官○則○匿○服○以○聽○選○例○在○掇○科○則○匿○服○以○應○
舉○例○在○遷○官○則○匿○服○以○候○遷○例○在○求○賄○則○匿○服○以○之○
任○率○天○下○之○人○爲○無○父○之○歸○臣○不○忍○
聖○明○之○世○風○

上亦從之然
至三年林聰
尹旻俱丁憂
行取復職二
公僅一疏辭
承聞其堅請
終制也二公
皆名臣能無
鬼心前疏哉
士惟不知禮
義廉耻故君
親俱有所弗
恤
持議更正使
人凜慄

俗之敝綱常之壞一至于此也夫上有好者下必有
甚焉者陛下誠能守先王之遺禮遵祖宗之成
憲待之以禮義而不縻之以爵祿激之以廉恥而不
誘之以名位使積習之弊脫然以除則忠孝之心油
然而生向雖忘其親今則為孝子向雖後其君今則
為忠臣特在乎陛下轉移之間何如耳天子者以
孝治天下者也大臣者佐天子以治天下者也欲孝
行於天下必先行於大臣臣願陛下不惑羣議斷
自聖衷取回內臣許令李賢依富弼劉珙故事守
制其餘已起復者悉令終喪未起復者悉許守制脫

益見非盛世
所宜有

詔尤激切

有金革之事。亦從墨衰之制。任國事于外。盡心喪于
內。將見朝廷既正。則天下自正。大臣既行。則羣臣
自效。人心天理。不可泯滅。誰肯甘心爲不孝之子。覩
顏爲不忠之臣乎。綱常繇是而正。人倫繇是而明。風
俗繇是而厚。士心繇是而純。紀綱繇是而張。國勢繇
是而一矣。

王世貞曰。三年通喪。惟兵革無避。自漢文以日易月。
而臣下亦因之。如鼃錯父死旬日而尚以
御史大夫調兵食。翟方進後母死三十六
日而復起治丞相事。唐之右僕射房玄齡

中書侍郎蘓頌張九齡宋叅知政事寇準
皆奪情起復此外亦不多見我高皇極
重此制以劉基宋濂章溢當帷幄之重於
天造草昧之時而聽其終喪了不之強
文皇急于事寄中外臣僚始有奪情不丁
憂者或有於制中起用者漸以奪情爲能
而不奪情爲不稱成化羅倫有扶植綱常
一疏於是奪情之風稍息雖不能盡然而
覲顏在位者寡矣

張以忠曰丁憂奪情自古大臣亦嘗有之但必國家

有兵革之憂危亡之患而我又爲極關係
之人一去則廟社生靈不可復保而後可
爲從權之舉奈何處熙明盛代且多士盈
廷而必醜焉立人本朝甘心爲無父之人
其喪心甚矣羅公此疏真可回旣死之人
心扶未墜之人紀有裨 聖化不朽之文

丘濬正朝廷疏

兵公仲深傳
極群書經史
百家箋疏今
古文詞至卜
醫老釋外家
小說靡不窮
覽爲文章不
求奇古平易
順暢可讀
治安之本原
于開言路

臣按哲宗臨政。召司馬光於洛。問光所先者。光首上
一疏。且以爲治安之原。太平之基。在此。臣竊以爲光
之此疏。寔萬世人君所當知者也。臣嘗因是而通論
之言者。心之聲也。人心有所蘊。必假言以發之。帝王
莫如堯舜。以言爲試人之則。聖賢莫如孔子。以言爲
知人之本。言之所關係。其大有如此者。是以自古帝
王。旣自謹其所言。尤必求人之言。以爲己鑑。聞則拜
之。聽則納之。卑辭以誘之。厚禮以招之。多方以求之。
博問以盡之。和顏悅色以受之。大心宏度以容之。或

歷舉前代求言之主條列井然

見言路關係之大

人主廣開言

路當如是若

人臣敢言直

諫其分應爾

豈其以上之

賞罰爲歡慤

也哉

爲之科目。如所謂極言直諫者。或爲之設官。如所謂拾遺補闕者。或因災眚而下詔以求。或因患難而責已。以訪。或爲輪對之制。使人人得以自達。或設登聞之鼓。俾事事得以上聞。無非求天下之言。以成天下之治。以通天下之情。是用陳言而善者。則立賞以勸之。傳曰。興王賞諫。臣是也。當言不言者。則制刑以威之。書曰。臣下不匡。其刑墨是也。言雖過于訐直。有所不堪忍者。亦容以受之。而不加之以罪。史曰。殺諫臣者。其國必亡。是也。夫如是。則嘉言罔攸伏。君德之修。否朝廷之闕失。臣下之賢佞。民生之休戚。皆因言以

使大小臣緘
言避罪非國
之美也

從古以來嘉
言壅于上聞
其國未有不
危亡者歷代
已事良可永
鑒

達之于上。有以爲思患預防之計。而不至于噬臍無
及之悔。則天下國家永無危亡之患矣。昔晉平公問
于叔向曰。國家之患孰爲大。對曰。大臣持祿而不及
諫。小臣畏罪而不敢言。下情不能上通。此患之大者。
於乎患而謂之大。豈非言路不通。其患必至于危亡。
也哉。是故天下之患莫大于人君處危亡之地。而不
自知。人臣知危亡之禍。而不敢言爲人上者。誠能廣
陳言之路。弘容言之量。言之善者有賞。言之非者無
罪。當言而不言者有罰。則大臣不至持祿。小臣不至
畏罪。而下情上通矣。天下國家又豈有危亡之禍哉。

故曰治安之原。太平之基在此。伏惟聖明留意。

張以忠曰。肫懇婉摯。典博縝密。而首尾無一語不警。
醒真可獻納黼座。

老筆尚文杰
然名世

此文前後體
局極妙

劉公羣望所
歸借議者之
辭美公原非
溢美
轉側頓宕處
奇絕

李夢陽送兵部尚書華容劉公歸序

公自去歲上書乞骸骨。上察其忠誠。勉留之。至是
三上書不許。會公目疾。引請益力。上不得已許焉。
賜璽書文。錕有衣一襲。行之日。冠蓋車騎。填塞路衢。
道旁觀者。咸嘆息爭走覩公。聚而轉相語。豈不爲至
榮幸事耶。議者謂公前以司農卿歸。先皇帝特詔
起之。置之左右。委以腹心。數召對。訪延失得。每語
屏從侍。必移刻。乃罷。所謂帷幄舊臣者。今天子幼
冲。煢煢在疚。四境未輯。忠鯁耆舊之臣。不可一日去。
左右又大司馬者。佐王平邦國者也。公去誰與理耶。

精神全在此

段

此段論尤各

確最得古大

臣心事千古

不磨

就上意又一
轉議論大關

風教

關合轉掉緊
而融

公不聽比去議者以聞天子廉公有決志故朝卒
不留公夫士有必去之志而後有不可奪之節故古
之人有招之不可來而臨事麾之有不可去者豈不
爲俊偉烈丈夫耶爲公者誠曰吾可去去焉卿又曰
吾可去去焉大夫又曰吾可去去焉朝去一公暮去
一卿又去一大夫君人者必謂榮貴利達不足以盡
天下之才天下之才亦必自以利其榮貴利達爲辱
若是即使公決于去何不可耶知天下之才以利其
榮貴利達爲辱將遂以是風天下故卒不留公若是
天下之願仕于朝者且蹢蹢至也先王之訓人也語

名理精遂氣

脉深古而詞

之徹切尤足

醒世

不惟掉緊而
氣力亦厚

古大臣暗應
中一段

交際必曰義進退具焉先之以幾顯微生焉決之以
時消長形焉故亡義者貪昧幾者危悖時者殘三者
有一焉上之人必賤之曰是求榮貴利達者夫惟賤
之也故天下之願仕者不至故曰即使公決於去何
不可耶公前爲司農卿諸生以郎吏事公洎爲大司
馬公以舊郎吏又數數見愚無似誠不能狀公然竊
知古之所謂大臣者有是義也易曰不俟終日殆公之
謂矣既相率祖公于都川北地李夢陽乃爲之序
王乾章曰大臣必知自重而後可風天下此亦闢世

教之文

張以忠曰文章妙處在血脉關絡句字俱針鋒相對
無一處不周密無一處不深緊筆極高古
氣極沉峻自是名作

又曰劉公碩德峻望爲時名臣其去就誠不肯
苟故此叙段段贊美俱名實克副信而有
徵非特文之奇絕也

天鍾神鑠文

章聖境

局必高詞必

老調必蒼神

必密偉才鉅

手

言夏公服官

之遲正見天

所以老其才

而大用之也

古雋

送都御史夏公序

巨○小○視○其○器○難○易○因○乎○才○靜○躁○驗○諸○德○遲○速○係○乎○時○
成○否○繇○之○天○故○有○容○知○大○盤○錯○別○利○持○久○占○之○矣○久○
以○利○用○利○以○大○成○大○以○時○獲○時○以○天○定○鮮○有○違○焉○何○
也○高○墉○之○隼○射○之○者○人○也○鳴○陰○之○鶴○靡○有○不○和○者○也○
夏○公○之○舉○進○士○也○癸○丑○迄○今○丁○亥○三○十○有○五○年○矣○乃○
始○脫○行○省○陟○內○臺○官○都○御○史○雖○解○鶴○服○牙○輟○藩○屏○而○
職○激○揚○然○外○鎮○也○其○地○又○難○不○謂○之○遲○耶○予○嘗○與○公○
指○屈○榜○中○人○見○仕○者○十○餘○人○耳○在○世○者○不○盈○百○矣○松○
栢○之○生○也○森○森○戢○戢○巖○壑○間○然○歷○非○千○百○年○不○材○也○

精心尋玩始知此文結構極工神檢極密

造語

至言有感

轉出奇峰殊見秀蔚

高詞古韻

夫其遲之也。安知天不成之哉。初公立農部。振藩省。決議贊政。允出明納。積有歲年。人業遲之矣。公不之遲也。曰。吾俟其至者焉耳。是故不干譽而譽隨。不冀效而效獲。不嚴吏而吏嚴。不悅民而民悅。是所謂靜以制之。德之傑者也。故今之陟論者。猶謂不充其器。而地之難。猶不足盡公之才。豈非今之人躁者多。而靜者寡邪。甲戌之歲。予沂江漢。滯漾沔。登峴首。躡楚山。望荆鄖。攬襄鄧。降觀于土。察俗問風。以今考之。固夏公節鉞之地也。控三省之交。故其勢分阻峻嶮。故其俗獷蕪。亡匿故其風雜鮮沃腴。故其賦下頑而貧。

造語

造語

極力搏掙轉
法入聖人神

名言磊磊可
以相士可以
持已確垂不
朽矣

故其徵鮮如約而鎮其地者緩之則玩激之則變於是乎有撫治之名撫治者恩威之兼也今誠欲合分則獷一雜申約非才不濟非器不充夏公有焉是地也不公界而奚界邪故曰有容知大盤錯別利持久占之凡以是焉耳然必天定而後驗時至而後獲何也天下未有躁而成者也故冀望者不知天者也欲速者不知時者也見難而疑者不知才者也當巨而畏者不知器者也繇是言之天之成夏公者名位若斯而已哉代夏爲左使者董公也亦吾榜中人也來求送夏公文予告之曰吾榜見仕而官外者公一人


似聞吟而寔
聞應

耳行有鳴鶴之應矣亦時至而天定矣

張以忠曰風采沉雋神骨高凝千秋絕調也直可橫

厲今古而莫與之京

又曰篇中轉折關應極多而極不費手非力厚
氣沉詎易得此



閱歷

耳行有鳴鶴之應矣亦時至而天定矣

張以忠曰風采沉雋神骨高凝千秋絕調也直可堪
厲今古而莫與之京

又曰篇中轉折關應極多而極不費手非力厚
氣沉詎易得此

